

---

**Nadzorni odbor KJKP „Park „ d.o.o. Sarajevo**

Broj: P- 6317.02-13-2/23  
Sarajevo, 27.12.2023.

Na osnovu člana 8. tačka d) i 26. stav (1) Zakona o javnim preduzećima u FBiH („Službene novine Federacije BiH“, br.8/05, 81/08, 22/09 i 109/12), člana 76. Statuta KJKP “Park“ d.o.o. Sarajevo, broj: P-28025-2-1/21 od 31.08.2021.godine i člana 19. Poslovnika o radu Nadzornog odbora KJKP „Park“ d.o.o. Sarajevo, broj: P-4384-2-1 od 15.12.2021. godine na 24. redovnoj sjednici, održanoj 27.12.2023. godine, Nadzorni odbor KJKP “Park“ d.o.o. Sarajevo donosi

**ODLUKU**  
**O KRITERIJIMA, POSTUPKU I NAČINU PREDLAGANJA KANDIDATA**  
**ZA ČLANA ODBORA ZA REVIZIJU KJKP “PARK“ D.O.O. SARAJEVO**

**Član 1.**

Ovom odlukom utvrđuju se kriteriji, postupak i način predlaganja za izbor jednog člana Odbora za reviziju KJKP “Park“ d.o.o. Sarajevo.

**Član 2.**

Komisija za provođenje konkursa za izbor i imenovanje člana Odbora za reviziju KJKP “Park“ d.o.o. Sarajevo (u daljem tekstu: Komisija) dužna je nakon zaključenja konkursa i isteka roka za prijavu na konkurs donijeti poslovnik o radu Komisije, potpisati izjave o povjerljivosti, otvoriti sve prispele prijave, pregledati ih i utvrditi da li su iste blagovremene i s potpunom dokumentacijom, odnosno utvrditi koje prijave su neblagovremene i/ili nepotpune.

**Član 3.**

- (1) Komisija je dužna razmotriti sve blagovremene i potpune prijave i sačiniti listu najboljih kandidata koji su ušli u uži izbor i koji ispunjavaju uslove konkursa, opće i posebne uslove i kriterije za izbor i imenovanje propisane Odlukom o kriterijima i posebnim uslovima za izbor i imenovanje članova Odbora za reviziju KJKP “Park“ d.o.o. Sarajevo, broj: P-6317.02-13/23 od 27.12.2023., i po potrebi prikupiti dodatne informacije o kandidatima.
- (2) Nepotpune i neblagovremene prijave Komisija neće uzeti u razmatranje.

**Član 4.**

- (1) Komisija je dužna sve kandidate koji su ušli u uži izbor pozvati na intervju.

Tel. Centrala: +387 33 560 560;  
Direktor: +387 33 560 570, 201-977;  
Fax: +387 33 560 561; 201-977;  
E-mail: info@park.ba;  
www.park.ba

: Općinski sud u Sarajevu  
: Broj sudskog registra UF/I-2558/05  
: Porezni broj: 01071306;  
: Matični broj: 20379383;  
: Matični registracioni broj: 1-566

NLB Banka 1322602019095668;  
UniCredit bank d.d. 3386902212020028;  
Turkish Ziraat bank Bosnia d.d. Sarajevo  
1860001022085047



- (2) Prilikom pozivanja kandidata na intervju, svaki kandidat koji je ušao u uži izbor mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.
- (3) Komisija će prije intervjua zahtijevati od kandidata koji su ušli u uži izbor da daju podatke o određenom broju ranijih poslodavaca od kojih se mogu dobiti preporuke i informacije o kandidatima.
- (4) Komisija je dužna da utvrdi pitanja koja će postavljati kandidatima koji su pozvani na intervju.
- (5) Prilikom intervjua osigurati će se da svi kandidati budu upoznati sa standardima ličnog integriteta koji se traže za lica imenovana na javnu poziciju, da su pitanja o sukobu interesa detaljno objašnjena i detaljno razmotrena sa svim kandidatima i da su svi kandidati detaljno upoznati o pravu javnosti putem zakonom propisanih mehanizama.

#### Član 5.

- (1) Nakon intervjua Komisija će izvršiti ocjenu kandidata.
- (2) Svaki član Komisije će kandidata ocijeniti s ocjenom od 0 do 5, a ocjene svih članova Komisije dati će prosječnu ocjenu koja će biti konačna ocjena kandidata.
- (3) Komisija će Skupštini KJKP „Park“ d.o.o. Sarajevo putem pisane preporuke predložiti rang listu najboljih kandidata na osnovu prosječne ocjene i dostaviti istu na dalje razmatranje.
- (4) Pisana preporuka sadrži sve relevantne informacije o kandidatima do kojih je Komisija došla u svom radu, te samu preporuku.
- (5) Smatra se da su kandidat koji se nalaze na prvom mjestu na rang listi i koje je Komisija preporučila, najuspješnije prošao otvorenu konkurenciju.
- (6) Nakon što Komisija dostavi prijedlog rang liste, Skupština KJKP „Park“ d.o.o. Sarajevo izvršiti će imenovanje člana Odbora za reviziju KJKP „Park“ d.o.o. Sarajevo.

#### Član 6.

Ova odluka stupa na snagu danom donošenja.

PREDSJEDNIK  
NADZORNOG ODBORA  


Dostavljeno:

- Skupštini Preduzeća,
- Nadzornom odboru,
- Upravi,
- Sekretar,
- SOP,
- a/a.